

Kavamatkunnin Tuhaqtitaudjutikhaq

Qanuqtun tukilik atautikkut-sainiutijaami atugakhamun?

Aullaqtirvia Ublua: June 20, 2023

Nutgarvikhaa Ublua: June 23, 2023

Nunavut-tamaat

90 sec

Atauttikkut-sainiutikkut atugamun tukilik maligakkut munaridjutiqaqtutin akiliqtuijaami atugamun atukkiqtuq akiliqtuingitpat. Una tukiqangittuq piqarnialiqnutin nanminirilirlugu talvunga piqutimun atukkiudjutaувaktumun. Apirijauniarungnarhiguvin atauttikkut-sainiquaulutin atugakhamun akhaluutimun, haantamun, qajarmun, pinniqutinin, iqlukhaup akikhaanulluunniit.

Atauttikkut-atiliriami atugamun, piqaqtukhaujutin nakuuqpiqaqtuqmik atukkirutikkut naunaitkutimik. Apirijauniarungnarhivutin atauttikkut-sainirlutin atugakhamun taamna inuk uuktuqtuq atugamun naammagijaungitpat qanurittuni imaatun piqangitpallaarman atukkiqhimanirnun naunaitkutinik, naunaitkutiqaqtuq akiliqtuihimangittuq aturami akiliqtakhami, maniliuraanginnajuittuq, piliklu nakuungittunik atukkirutikkut naunaitkutinik.

Hivuagun atauttiikit-sainiqtinanni akugakhamun:

- Pilutin aajjiliuqhimajunik titiqqainnik, kangiqhihimalugin pitquidjutain atugakhami tamaat ilihimalugulu tamatqiutaa atugakham aktilaanganik.
- Ilihimalutin akiliqtaaqtat atugaq, kinguvaqtihimajun akiliqtakhat ukualluunniit akiliqtipkainikkut akiit taamna atukkiqhimajuq akiliqtuingitpat kinguvaqtihimajuqluunniit akiliqtuijakhaminik.
- Ihumagilugin hulaqutijaaqtun qanurlu atauttikkut-sainiutihimanikkut pidjutijaaqtuq atukkiutingni naunaitkutaanun, taimaatun una atugaq iliuraqtauniarman atukkirutingnun naunaitkutaanun.

Kinaliqaak apirigumitin atauttikkut-sainiutilutin atugakhamun, apriguvilluunniit kinamik atauttikkut-sainiutiuplugu ilingnun, ihumagittiarlugin qanuqtun una hulaqutijaaqtuq ilingnun maniliqidjutinun taapkuat maniliqidjutainnullu.

Aallanik iliitturipkdaidjutikhanik, uqaqatigidjavan Niuviqtuliqinikkut Havagvia uvani consumerprotection@gov.nu.ca unaluunniit 1-866-223-8139 (akiittuq).

###

Tuhaqtipkainikkut Uqaqvigijaqhaq:

Hala Duale
Tuhagtipkainirmut Ajuittuq
Nunalingni Kavamatkunnilu Pivikhaqautikkut
867-975-5406
hduale@gov.nu.ca

Public Service Announcements are available in Inuktitut, English, Inuinnaqtun and French on www.gov.nu.ca.
Kavamatkunnin Tuhaqtitaujukhat hailihimajun Inuktitut, Qablunaatun, Inuinnaqtun Uuiutullu uvani www.gov.nu.ca.
Les messages d'intérêt public sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaijiit